

**ՍՈՑԻԱԼ-ՀԱՍԱՐԱԿԱԿԱՆ ԳՈՐԾՈՆՆԵՐԻ ՆՇԱՆԱԿՈՒԹՅՈՒՆԸ ՀՀ ԶՈՒ
ՖԻԶԻԿԱԿԱՆ ՊԱՏՐԱՍՏՈՒԹՅԱՆ ՍՏՈՒԳՄԱՆ ԵՎ ԳՆԱՀԱՏՄԱՆ
ՀԱՄԱԿԱՐԳՈՒՄ**

Ա. Ե. Դավթյան

ՀՀ պաշտպանության նախարարություն, Երևան, Հայաստան
E.mail: levdavtyan@gmail.com

Առանցքային բառեր: Ֆիզիկական պատրաստություն, գնահատման համակարգ, սոցիալ-հասարակական, հարցաթերթիկ, զինված ուժեր, զինծառայող:

Հետազոտության արդիականություն: Ֆիզիկական պատրաստությունը զինծառայողների ֆիզիկական կատարելագործմանն ու մարտական խնդիրների կատարման համար նրանց ֆիզիկական պատրաստության ապահովմանը նպատակաուղղված միջոցառումների համալիր է [1]: Ժամանակի ընթացքում զինված ուժերի վերազինմամբ և վերակազմավորմամբ փոխվում են նաև ֆիզիկական պատրաստությանը ներկայացվող պահանջներն ու մոտեցումները, ուստի անհրաժեշտ է հրաժարվել հնացած գնահատման մեթոդներից և ներդնել գնահատման և ստուգումների իրականացման առավել արդյունավետ մեթոդներ: ՀՀ զինված ուժերում ֆիզիկական պատրաստության գործընթացն իրականացվել է՝ համաձայն «ՀՀ ԶՈՒ ֆիզիկական պատրաստության ձեռնարկի» [1], որը հիմնականում 1987թ. գործողության դրված «Խորհրդային բանակի և նավատոր-

մի ֆիզիկական պատրաստության ձեռնարկի» [3] խմբագրված տարբերակն է, ինչը վաղուց կորցրել է իր արդիականությունը:

Ֆիզիկական պատրաստության ստուգման կարգի օպտիմալացման ուղղությամբ որևէ հետազոտություն ՀՀ զինված ուժերում չի կատարվել, իսկ նախկին Խորհրդային Միության երկրների հետազոտությունների մեծ մասն իրականացվել է ռազմական բարձրագույն ուսումնական հաստատություններում, հիմնականում՝ կուրսանտական կազմի հետ [2, 5, 6]: Սույն աշխատանքով փորձ է արվել վերհանել սոցիալ-հասարակական գործոնի ազդեցությունը զինծառայողների ֆիզիկական պատրաստվածության և դրա ստուգման կարգի մշակման գործընթացի վրա:

Հետազոտության նպատակն է՝ վերհանել ՀՀ ԶՈՒ ֆիզիկական պատրաստության գնահատման համակարգի ձևավորման գործընթացում սոցիալ-հասարակական գործոնի ազդեցության կարևորությունը:

Առաջադրված նպատակի իրականացման համար ներկայացվում են հետևյալ խնդիրները.

1. Բացահայտել զինծառայողների պատրաստության վրա ազդող սոցիալ-հասարակական գործոնները:

2. Առաջարկություն ներկայացնել ՀՀ ՁՈՒ համապատասխան ստորաբաժանմանը՝ ֆիզիկական պատրաստության գնահատման համակարգը մշակելիս հաշվի առնել սոցիալ-հասարակական գործոններով պայմանավորված առանձնահատկությունները:

Հետազոտության մեթոդներն և կազմակերպումը: Հետազոտության մեթոդներն են՝

1. գրական աղբյուրների և նորմատիվ իրավական ակտերի ուսումնասիրություն ու վերլուծություն,

2. մանկավարժական թեստավորում,

3. ստացված տվյալների վիճակագրական մշակում:

ՀՀ ՁՈՒ ֆիզիկական պատրաստության գնահատման համակարգի ձևավորման գործընթացում սոցիալ-հասարակական գործոնի ազդեցությունը վերհանելու և զինծառայողների ֆիզիկական պատրաստությամբ զբաղվելու հնարավորությունները, ինչպես նաև ֆիզիկական մարզումների նկատմամբ վերաբերմունքը գնահատելու նպատակով իրականացրել ենք սոցիոլոգիական հարցումներ:

Առավել հավաստի տեղեկատվություն ստանալու նպատակով հարցումներն իրականացվել են տարբեր տարիքի, սեռի, մասնագիտության և կատեգորիաների, տարբեր բնակլիմայական պայմաններում, զորատեսակներում և տեղակայման վայրերում գտնվող զինծառայողների հետ:

Հետազոտության արդյունքների վերլուծություն:

Գնահատման համակարգը մշակելիս կարևոր է հաշվի առնել զինծառայողների սոցիալ-հասարակական պայմանները: Այդ նպատակով մեր կողմից իրականացվեցին սոցիալական հարցումներ՝ պարտադիր ժամկետային և պայմանագրային զինծառայողների հետ: Պայմանագրային զինծառայողների հարցման արդյունքները հետևյալն են.

1) 50 զինծառայողից 11-ը (22%) սպորտով չի զբաղվել, ամուսանացած են 34-ը (68%):

2) Հարցմանը մասնակցած 50 զինծառայողից «Ինչպես եք գնահատում Ձեր առողջական վիճակը» հարցին նախկինում սպորտով չզբաղված 11 զինծառայողից սեփական առողջական վիճակը գերազանց գնահատեց 1 (9.1%) զինծառայող, լավ՝ 10 (90.9%), բավարար, բարելավման կարիք ունեցող և առողջական սահմանափակում ունեցող չկար:

Նախկինում սպորտով զբաղված 39 զինծառայող սեփական առողջական վիճակը գերազանց գնահատեց 15 (38.5%)

զինծառայող, լավ՝ 17 (43.6%), բավարար՝ 5 (12.8%), բարելավման կարիք ունեցող՝ 2 (5.1%): Առողջական սահմանափակում ունեցող չկար:

Նույն հարցին պատասխանած ամուրի 16 զինծառայողների մոտ պատկերը հետևյալն էր՝ գերազանց՝ 6 (37.5%) զինծառայող, լավ՝ 8 (50%), բավարար՝ 2 (12.5%), բարելավման կարիք ունեցող՝ 0: Ամուսնացած 34 զինծառայողների մոտ՝ գերազանց՝ 10 (29.4%) զինծառայող, լավ՝ 19 (55.9%), բավարար՝ 3 (8.82%), բարելավման կարիք ունեցող՝ 2 (5.88%):

3) Հարցմանը մասնակցած 50 զինծառայողից «Ինչպես եք գնահատում Ձեր ֆիզիկական պատրաստվածության մակարդակը» հարցին նախկինում սպորտով չզբաղված 11 զինծառայողից սեփական ֆիզիկական պատրաստվածության վիճակը գերազանց գնահատեց 4 (36.4%) զինծառայող, լավ՝ 4 (36.4%), բավարար՝ 3 (27.3%), անբավարար՝ 0:

Նախկինում սպորտով զբաղված 39 զինծառայող սեփական ֆիզիկական պատրաստվածության վիճակը գնահատեց գերազանց՝ 7 (17.9%) զինծառայող, լավ՝ 27 (69.2%), բավարար՝ 5 (12.8%), անբավարար՝ 0:

Նույն հարցին պատասխանած ամուրի 16 զինծառայողների մոտ պատկերը հետևյալն էր՝ գերազանց՝ 6 (37.5%) զինծառայող, լավ՝ 9 (56.3%), բավարար՝ 1 (6.3%), անբավարար՝ 0: Ամուսնացած 34

զինծառայողների մոտ՝ գերազանց՝ 5 (14.7%) զինծառայող, լավ՝ 22 (64.7%), բավարար՝ 7 (20.6%), անբավարար՝ 0:

4) Հարցմանը մասնակցած 50 զինծառայողից «Արդյոք Ձեր բնակավայրում կամ մոտակայքում ստեղծված են մարզվելու համար անհրաժեշտ բոլոր պայմանները» հարցին նախկինում սպորտով չզբաղված 11 զինծառայողից բավարարված էր բնակավայրի մարզական կառույցների առկայությունից և մարզման համար հնարավորություններից՝ 1 (9.1%) զինծառայող, բավարարված էր մարզական կառույցների առկայությունից, սակայն դրանք անհասանելի են 2 (18.2%) զինծառայողի համար, մարզումների համար բավարար պայմաններ չունեն՝ 8 (72.7%):

Նախկինում սպորտով զբաղված 39 զինծառայողից բավարարված էր բնակավայրի մարզական կառույցների առկայությունից և մարզման համար հնարավորություններից՝ 10 (25.6%) զինծառայող, բավարարված էր մարզական կառույցների առկայությունից, սակայն դրանք անհասանելի են 7 (17.9%) զինծառայողի համար, մարզումների համար բավարար պայմաններ չունեն՝ 22 (56.4%):

Նույն հարցին պատասխանած ամուրի 16 զինծառայողից բավարարված էր բնակավայրի մարզական կառույցների առկայությունից և մարզման համար

հնարավորություններից 4 (25%) զինճառայող, բավարարված էր մարզական կառույցների առկայությունից, սակայն դրանք անհասանելի են 1 (6.3%) զինճառայողի համար, մարզումների համար բավարար պայմաններ չունեն՝ 11 (68.8%): Ամուսնացած 34 զինճառայողներից բավարարված էր բնակավայրի մարզական կառույցների առկայությունից և մարզման համար հնարավորություններից՝ 7 (20.6%) զինճառայող, բավարարված էր մարզական կառույցների առկայությունից, սակայն դրանք անհասանելի են 8 (23.5%) զինճառայողի համար, մարզումների համար բավարար պայմաններ չունեն՝ 19 (55.9%):

5) Հարցմանը մասնակցած 50 զինճառայողից «Ծառայության վայրում արդյոք կան մարզվելու պայմաններ, եթե կան, ապա ինչպես եք գնահատում դրանք» հարցին նախկինում սպորտով չզբաղված 11 զինճառայողից 5-ի (45.5%) համար ծառայության վայրում առկա են բոլոր պայմանները լիարժեք մարզվելու համար, 4-ի (36.4%) համար առկա են պայմաններ, սակայն չեն բավարարում արդյունավետ մարզման համար, 2-ի (18.2%) համար առկա են պայմաններ, սակայն մարզման համար ժամանակը չի բավարարում:

Նախկինում սպորտով զբաղված 39 զինճառայողից 25 (64.1%) զինճառայողի համար ծառայության վայրում առկա են

բոլոր պայմանները լիարժեք մարզվելու համար, 9-ի (23.1%) համար առկա են պայմաններ, սակայն չեն բավարարում արդյունավետ մարզման համար, 5-ի (12.8%) համար առկա են պայմաններ, սակայն մարզման համար ժամանակը չի բավարարում:

Նույն հարցին պատասխանած ամուսնուրի 16 զինճառայողից 9 (56.3%) զինճառայողի համար ծառայության վայրում առկա են բոլոր պայմանները լիարժեք մարզվելու համար, 6-ի (37.5%) համար առկա են պայմաններ, սակայն չեն բավարարում արդյունավետ մարզման համար, 1-ի (6.25%) համար առկա են պայմաններ, սակայն մարզման համար ժամանակը չի բավարարում: Ամուսնացած 34 զինճառայողից 21 (61.8%) զինճառայողի համար ծառայության վայրում առկա են բոլոր պայմանները լիարժեք մարզվելու համար, 7-ի (20.6%) համար առկա են պայմաններ, սակայն չեն բավարարում արդյունավետ մարզման համար, 6-ի (17.6%) համար առկա են պայմաններ, սակայն մարզման համար ժամանակը չի բավարարում:

Հարցմանը մասնակցածներից ոչ ոք չի նշել, որ ծառայության վայրում մարզվելու համար պայմաններ չկան:

6) Հարցմանը մասնակցած մինչև 25 տարեկան զինճառայողների 100%-ն ամուսնացած չէ, ամուսնացած են 25-30 տարեկան զինճառայողների 36.4%-ը, 30-

35 տարեկանների՝ 76.5%-ը, իսկ 35 տարեկանից բարձրերի 100%-ը:

Պարտադիր ժամկետային զինձառայողների շրջանում անցկացված սոցիալական հարցումների արդյունքներով հարցմանը մասնակցած 40 պարտադիր

ժամկետային զինձառայողից 20-ը (50%) սպորտով չի զբաղվել, կամ զբաղվել է առավելագույնը 1 տարի: Մյուս հարցերի արդյունքները ներկայացված են աղյուսակում.

Աղյուսակ

Պարտադիր ժամկետային զինձառայողների հարցման արդյունքներ

Մարզվածության աստիճան	Ձեր կարծիքով զինձառայողներին ինչպիսի ֆիզիկական որակներ են առավել անհրաժեշտ մարտական դիրքերում ծառայության ընթացքում								
	Պատասխան								
	Ուժ	Արագաշարժություն	Դիմացկունություն	Ճկունություն	Ճարպկություն	Կողորինացիա	Ցատկունակություն	Հավասարակշռություն	Այլ
Նախկինում մարզիկ	1 (5%)	1 (5%)	8 (40%)	0 (0%)	0 (0%)	0 (0%)	0 (0%)	2 (10%)	2 (10%)
Սպորտով չզբաղված	2 (10%)	3 (1.5%)	9 (45%)	0 (0%)	0 (0%)	2 (10%)	0 (0%)	5 (25%)	1 (5%)
Ինչպես եք գնահատում Ձեր առողջական վիճակը									
Մարզվածության աստիճան	Պատասխան				Ընդամենը				
	Գերազանց	Լավ	Բավարար	Բարելավման կարիք ունի					
Նախկինում մարզիկ	8 (20%)	4 (10%)	6 (15%)	2 (10%)	20				
Սպորտով չզբաղված	2 (5%)	4 (10%)	8 (20%)	6 (30%)	20				
Ընդամենը	10	8	14	8	40				
Ինչպես եք գնահատում Ձեր ֆիզիկական պատրաստվածության մակարդակը									
Մարզվածության աստիճան	Պատասխան				Ընդամենը				
	Գերազանց	Լավ	Բավարար	Անբավարար					
Նախկինում մարզիկ	0 (0%)	14 (70%)	4 (20%)	2 (10%)	20				
Սպորտով չզբաղված	2 (10%)	6 (30%)	10 (50%)	2 (10%)	20				
Ընդամենը	2	20	14	4	40				

Արդյոք մշտական տեղակայման վայրում ստեղծված են մարզվելու համար անհրաժեշտ բոլոր պայմանները					
Մարզվածության աստիճան	Պատասխան				Ընդամենը
	Առկա են մարզման համար անհրաժեշտ մարզական կառույցները և մարզումներն իրականացնելու համար հատկացված է բավարար ժամանակ	Առկա են մարզման համար անհրաժեշտ մարզական կառույցները, սակայն մարզումներն իրականացնելու համար հատկացված ժամանակը չի բավարարում	Մարզումներն իրականացնելու համար հատկացված է բավարար ժամանակ, սակայն մարզաբազան չի բավարարում	Առկա են բոլոր պայմանները, սակայն մարզումներն արդյունավետ չեն իրականացվում պարամունքներն անցկացնողների ցածր ունակությունների պատճառով	
Նախկինում մարզիկ	8 (40%)	2 (10%)	10 (50%)	0 (0%)	20
Սպորտով չգրադված	18 (90%)	2 (10%)	0 (0%)	0 (0%)	20
Ընդամենը	26	4	10	0	40
Մարտական դիրքերում արդյոք կան մարզվելու պայմաններ, եթե կան, ապա ինչպես եք գնահատում դրանք					
Մարզվածության աստիճան	Պատասխան				Ընդամենը
	Պայմանները բացակայում են	Առկա են բոլոր պայմանները լիարժեք մարզվելու համար	Պայմաններ կան, սակայն չեն բավարարում արդյունավետ մարզման համար	Պայմաններ կան, սակայն մարզվելու համար ժամանակը չի բավարարում	
Նախկինում մարզիկ	12 (60%)	2 (10%)	4 (20%)	2 (10%)	20
Սպորտով չգրադված	8 (40%)	2 (10%)	4 (20%)	6 (30%)	20
Ընդամենը	20	4	8	8	40
Հարցմանը մասնակցած պարտադիր ժամկետային զինծառայողների տարբային տվյալները					
Մարզվածության աստիճան	Տարիք				Ընդամենը
	18	19	20	20-ից բարձր	
Նախկինում մարզիկ	2 (10%)	6 (30%)	12 (60%)	0 (0%)	20
Սպորտով չգրադված	2 (10%)	8 (40%)	10 (50%)	0 (0%)	20
Ընդամենը	4	14	22	0	40

Եզրակացություն: Հարցման արդյունքների վերլուծությունը բավարար հիմքեր տվեց եզրահանգելու, որ պայմանագրային զինծառայող տղամարդկանց առաջին տարիքային խմբի տարանջատումն արդարացված չէ: Այն նախկինում սահմանված էր 20-ից 30 տարեկան տղամարդկանց համար: Ուսումնասիրությունները ցույց տվեցին, որ այս տարանջատումը չի արդարացվում, ոչ միայն պայմանավորված ֆիզիոլոգիական առանձնահատկություններով, այլև սոցիալ-հասարակականով, մասնավորապես.

1) Պայմանագրային զինծառայողների գերակշռող կազմը մինչև 25 տարեկան ամուրի է (հարցվածների 100%-ը), ինչն առավել մեծ հնարավորություններ է ընձեռում ծառայությունից հետո մարզվելու համար: 25-ից 30 տարեկան զինծառայողների զգալի զանգվածը ամուսնացած են (հարցվածների մոտ 37%-ը):

2) «Ծառայության վայրում առկա են պայմաններ, սակայն մարզվելու համար ժամանակը չի բավարարում» պատասխան են տվել ամուսնացած պայմանագրային զինծառայողների մոտ 18%-ը, իսկ ամուրիների՝ 6 %-ը: Սա պայմանավորված է նրանով, որ սպայական կազմի համար ֆիզիկական պատրաստությամբ զբաղվելու հիմնական միջոցը ծառայությունից դուրս ինքնապատրաստությունն է: Ընտանեկան հոգսերը պակասեցնում են

ինքնապատրաստությամբ զբաղվելու հնարավորությունները:

Մեր կողմից առաջարկվեց փոխել գործող տարիքային խմբերի, մասնավորապես՝ 1-ին խմբի տարիքային տարանջատումը, և այն 10 տարվա ինտերվալից փոխարինվեց երկու 5 տարվա ինտերվալների: Առաջարկն ընդունվեց զինված ուժերի ղեկավար կազմի կողմից: Տարիքային խմբերի նման տարանջատում իրականացվել էր Ռուսաստանի Դաշնության [4] և Բելառուսի Հանրապետության զինված ուժերում՝ դեռ 2001-ին [7]:

Իհարկե, միայն սոցիալ-հասարակական գործոնը չէ այս տարանջատման պատճառը, քանի որ, ըստ ուսումնասիրությունների՝ առկա են նաև այլ բավականին ծանրակշիռ պատճառներ, մասնավորապես.

1) Սպայի ծառայության առաջին 5 տարիները հիմնականում պայմանավորված են լինում անձնակազմի հետ անմիջական մարզումների անցկացման հետ, քանի որ ՌԲՈՒՀ-ն ավարտելուց հետո նրանք նշանակվում են դասակի, ապա վաշտի հրամանատարներ: Այս պաշտոններում սպաներն ականայից կանոնավոր մարզվում են իրենց ստորաբաժանումների հետ: 5 տարվա ընթացքում նրանց պաշտոնեական առաջխաղացումը հասնում է մինչև գումարտակի հրամանատարի տեղակալի, ինչը զգալիորեն պակասեցնում է նրանց անմիջական ընդ-

գրկվածությունը ստորաբաժանման մարզումների և ավելացնում է գրասենյակային աշխատանքը, որն իր հերթին ազդում է վերջիններիս պատրաստվածության վրա:

2) Սպայական կազմը մինչև 22 տարեկան ուսուցանվում է ռազմական բարձրագույն ուսումնական հաստատություններում և սիստեմատիկաբար մեծ ինտենսիվությամբ մարզվում է ֆիզիկական պատրաստությամբ: Առաջին սպայական պաշտոններին նրանք նշանակվում են բավականին բարձր ֆիզիկական պատրաստվածությամբ, ինչը հետզհետե

սկսում է անկում ապրել՝ ելնելով թվարկված վերոհիշյալ պայմաններից:

Հարցված պարտադիր ժամկետային զինծառայողների 50%-ը բավարարված չէ մարտական հերթապահության վայրերի կահավորվածությամբ: Հաշվի առնելով այս հանգամանքը և այն, որ մարտական հերթապահության վայրերում առկա են նաև խնդիրներ մարզումների անվտանգության պայմանների ապահովման հետ՝ մեր կողմից առաջարկվեց տարբերակել միայն մշտական տեղակայման վայրում ծառայություն տանող և մարտական հերթապահություն իրականացնող զինծառայողներին ներկայացվող պահանջները:

📖 ԳՐԱԿԱՆՈՒԹՅՈՒՆ

1. ՀՀ զինված ուժերի ֆիզիկական պատրաստության ձեռնարկ, Հաստատված է ՀՀ պաշտպանության նախարարի 2011թ. հուլիսի 26-ի N 857 հրամանով, Երևան, 2011, 131 էջ:

2. Дерий И. А., Физическая подготовка курсантов военно-учебных заведений войск связи в процессе военно-профессионального обучения. Автореф. дис. на соискание ученой степени кандидата педагогических наук. – СПб: ГАФК им. П.Ф. Лесгафта, 2005. – 19 с.

3. Наставление по физической подготовке в советской армии и военно-морском флоте (НФП-87), Москва,- Воениздат,- 1987.- 319 стр.,

4. Наставление по физической подготовке и спорту в Вооруженных Силах Российской федерации, НФП-2001 / утвержден приказом министра обороны РФ N 631 от 31.12.2000г, стр. 224,

5. Леонтьев. В. П., Нормативное обеспечение физической подготовки курсантов высших военно-учебных заведений Сухопутных войск Министерства обороны Украины : автореф. дис. на здобуття наук. ступеня канд. наук з фіз. виховання і спорту : 24.00.02 / В. П. Леонтьев. – К., 2000. – 22 с.;

6. Миронов. В. В., Модель процесса формирования у курсантов инженерных вузов ВВС организаторско-методических навыков физического совершенствования военно-

служащих /В. В. Миронов, А. А. Юрченко // Физическая подготовка, боеспособность и здоровье военнослужащих. – СПб. : ВИФК, 2003. – С. 85–89

7. Положение по физической подготовке и спорту военнослужащих вооруженных сил Республики Беларусь / Утвержден приказом министра обороны РБ N 24 от 09.08.2001г., Минск, 2001, стр. 395 .

THE ROLE OF SOCIAL FACTORS IN THE VERIFICATION AND ASSESSMENT PROCESS OF PHYSICAL TRAINING IN ARMED FORCES OF ARMENIA

A. E. Davtyan

Ministry of Defence of the Republic of Armenia, Yerevan, Armenia

SUMMARY

Keywords: physical training, assessment system, social, public, questionnaire, armed forces, serviceman.

The aim of the research is to reveal the importance of social impact in the process of developing Physical Training Assessment System of the RA Armed Forces.

The research methods involve study and analysis of literary sources and regulatory legal acts, pedagogical testing, data statistical processing.

The research organization. A set of sociological surveys have been conducted in order to assess the social impact in the process of developing Physical Training Assessment System of the RA Armed Forces, servicemen engagement in and attitude towards physical training. For we consider it important to obtain reliable information, servicemen of different ages, genders, professions, categories serving in different climatic conditions, military units and locations were interviewed. A separate analysis was carried out for different categories (private soldiers, warrant officers, ordnance officers) of servicemen with different status (conscripts, contract soldiers).

The analysis of research results. Over time, by re-equipping and reorganizing the armed forces, approaches to physical training are changing. Thus for introducing modern and more efficient assessment and inspection methods, it is necessary to analyze the requirements of active military personnel serving in combat duty zones and to determine their performance level of mobility tasks in a combat area. The social conditions of servicemen may also be taken into account during the development of assessment system.

Conclusion. The analysis of survey results provided sufficient underpinnings to state that

- 1) division of the 1st age group contract servicemen is not justified.
- 2) if 65% of conscripts are "satisfied with the availability of sports facilities in permanent military units", then 50% of them asserted the absence of training equipment in combat duty zones.

**ЗНАЧЕНИЕ СОЦИАЛЬНЫХ ФАКТОРОВ В ПРОЦЕССЕ ПРОВЕРКИ И ОЦЕНКИ
ФИЗИЧЕСКОЙ ПОДГОТОВКИ В ВООРУЖЕННЫХ СИЛАХ РА**

А. Е. Даствян

Министерство обороны РА, Ереван, Армения

РЕЗЮМЕ

Ключевые слова: физическая подготовка, система оценки, социальный, общественный, опросный лист, вооруженные силы, военнослужащие.

Цель исследования. Выявить важность влияния социально-общественного фактора в процессе разработки системы оценки физической подготовки Вооруженных Сил РА.

Методы и организация исследования. Изучение и анализ литературных источников, нормативных правовых актов, педагогическое тестирование, статистическая обработка полученных данных. С целью оценки социального воздействия на процесс развития системы оценки физической подготовки в Вооруженных силах РА, вовлеченности военнослужащих и отношения к физической культуре был проведен комплекс социологических опросов. Для получения более достоверной информации, были опрошены военнослужащие разного возраста, пола, профессии, категорий, проходящие службу в различных климатических условиях, воинских частях и мест дислокации. Отдельный анализ проводился для разных категорий (рядовые, прапорщики, офицеры артиллерийского вооружения) военнослужащих с разным статусом (призывники, контрактники).

Анализ полученных результатов. Со временем за счет перевооружения и реорганизации вооруженных сил меняются подходы к физическому воспитанию. Таким образом, для внедрения современных и более эффективных методов оценки и проверки необходимо проанализировать потребности военнослужащего, несущего боевое дежурство, и определить их уровень выполнения задач в зоне боевых действий. При разработке системы оценивания немало важно принять во внимание социальные условия военнослужащих.

Краткие выводы. Анализ результатов опроса дал достаточные основания сделать вывод, что разделение военнослужащих-контрактников 1-й возрастной группы не обосновано, если 65% призывников «удовлетворены наличием спортивных сооружений в постоянных воинских частях», то 50% из них заявили об отсутствии тренировочного оборудования зонах боевого дежурства.

Հոդվածն ընդունվել է 25.04.2021-ին:

Ուղարկվել է գրախոսման՝ 26.04.2021-ին: